

# Tan Soon Kiat Tokoh Sukan 2014

## ► Majlis Anugerah Sukan Untuk Semua peringkat WP Labuan

4B 19.12.2014 A13  
LABUAN: Presiden Persatuan Bola Sepak Labuan (Lafa), Tan Soon Kiat dipilih sebagai pemenang Tokoh Sukan sempena Majlis Anugerah Sukan Untuk Semua (ASUS) 2014 peringkat Wilayah Persekutuan Labuan yang diadakan di Hotel Billion Pavilion Waterfront, malam Rabu lalu.

Anugerah Pemimpin Remaja pula dimenangi Mohd Quazly Ariffin Anzy dari UMS Labuan.

Persatuan Sukan dan Rekreasi Orang Kurang Upaya (Pesron) memenangi hadiah tempat pertama kategori Persatuan, kedua Persatuan Badminton Labuandanketiga, Persatuan Ragbi Labuan.

Haidar Hussein Muhammad Rashid dari Pesron dan Hamidah Mulok dari Persatuan Silat masing-masing meraih anugerah kategori Pemimpin Lelaki dan Wanita.

Stanly Yap En Chan dari Persatuan Bola Tampar Amatir Labuan pula membawa pulang anugerah



**ROZMAN (dua kiri) menyampaikan Anugerah Tokoh Sukan kepada SK Tan diperhatikan Zaini (kanan) dan Mohd Alias (kiri).**

Kategori Penggerak dan Sukarelawan.

Sementara anugerah Kategori OKU Pemimpin dimenangi Abdul Hajis Nikman manakala kategori Keluarga Aktif diraih Suali Tuah yang terbabit secara aktif dalam sukan dart.

11 mahasiswa UMS Kampus Antarabangsa Labuan telah menerima pentauliahian pingat Gangsa Anugerah Remaja Perdana Rakan Muda (ARP) 2014.

Mereka ialah Mohd Zafri Rosli, Kelly Tong Jia Chien,

Sharifah Razina Syed Mohd Azman, Razina Begum Abd Razak, Hasmidar Ajizan, Mohd Fazrie Jamri, Ruslan Ruksin, Suiyazi Suparti, Nasirah Mohd Salleh, Siti Shuhaidah Ahmad Salihin dan Ferno Lasman.

Anugerah Pemimpin Remaja pula dimenangi Mohd Quazly Ariffin Anzy dari UMS Labuan.

Semua pemenang membawa pulang hadiah wang tunai dan trofi serta sijil penghargaan.

Majlis perasmian dan penyampaian anugerah



**ROZMAN (tiga kiri), Zaini (dua kiri), Mohd Alias (tiga kanan) dan Norsiah (dua kanan) bersama penerima Anugerah Sukan Untuk Semua 2014.**

disempurnakan oleh Ahli Parlimen Labuan, Datuk Rozman Isli yang juga Pengerusi Perbadanan Labuan.

Turut hadir Pengarah JBS Labuan Zaini Abdul Aziz, Pengerusi Kumpulan Labuan Liberty Port Management (LLPM)

Dato' Sri Mohd Alias Abdul Rahman dan isteri, Dato' Norsiah Abdullah.

Hadir sama Pengarah Jabatan Akauntan Negara Labuan Irwin Mohamad dan Penolong Pengarah Belia Mohamad Mazlan Haji Anis.

Majlis gilang-gemilang itu dimeriahkan dengan persembahan silat, steprobik dan busking.

Zaini mengucapkan terima kasih kepada semua AJK Pengelola termasuk Penolong Pengarah Sukan, Bazlina Bakri, Pegawai Rakan Muda, Rosnani Oyoh dan Setiausaha, Azmi Martin.

Selain JBS Labuan, Jawatankuasa Panel Penilai terdiri daripada Jabatan Perpaduan Negara dan Integrasi Nasional, Jabatan Pendidikan, Majlis Sukan Labuan, Jabatan

Kebajikan Masyarakat serta Lembaga Penduduk dan Pembangunan Keluarga Negara.

Zaini berkata, Anugerah Sukan Untuk Semua (ASUS) diadakan adalah untuk memberi pengiktirafan kepada pihak yang telah menyahut seruan kerajaan ke arah menjayakan Sukan Untuk Semua.

Kedua untuk mewujudkan persaingan yang sihat dalam kalangan Penggerak Sukan Untuk Semua.

"Meningkatkan kesedaran dan penglibatan yang menyeluruh masyarakat dalam aktiviti-aktiviti Sukan Untuk Semua selaras ke arah membentuk Masyarakat Berbudaya Sukan," katanya.

Anugerah Remaja Perdana Rakan Muda (ARPRM) pula adalah untuk melahirkan pemimpin muda yang

mahir dan berkualiti melalui pogram ini.

Menurut Zaini, ianya juga memberi galakan kepada Badan Operasi di seluruh negara untuk lebih aktif dalam melahirkan peserta-peserta anugerah Tahap Emas ARPRM seluruh negara yang lebih luas.

"Melalui Pengiktirafan yang diberikan ini diharapkan agar dapat menyuntik semangat selain memberi dorongan kepada para remaja yang terlibat.

"Proses dan tahap cabaran yang dilalui sepanjang melengkapkan Anugerah ini juga diharapkan dapat meningkatkan pembangunan diri yang seimbang di kalangan remaja yang dilihat mempunyai potensi yang besar untuk mengalas tanggungjawab sebagai pemimpin negara suatu hari nanti," katanya.



**PENERIMA anugerah Remaja Perdana menunjukkan sijil penghargaan yang diterima.**



**PERSATUAN Sukan dan Rekreasi Orang Kurang Upaya bersama hadiah yang dimenangi.**